

初續獻縣志卷四

興文

御賜加贈太子太保原任陝西提督哈國興碑文

乾隆

年

朕惟闔外宣勞允賴干城之選師中效命宜垂竹帛之
勳壯猷丕著於遐陬茂典永光於奕葉爾加贈太子太
保原任陝西提督哈國興術裕韜鈴材嫻步伐夙居環
衛敬共克矢夫小心出任戎麾式遏具彰夫勇略樹屏
藩於虎旅滇池久震威名秉節鉞於轅門關輔亦資彈

初續獻縣志

壓邇以蠻方思逞天討攸加移玉帳以論兵起牙璋而
振武布堂堂之陣援桴屢壯軍容懷矯矯之姿借箸常
殷幕府方冀速殲醜類何期遽覽遺章軫念勤勞贈加
宮保諡之壯武錫以嘉名於戲鞠旅陳師絕徼壯龍驤
之色銘功紀績貞珉增馬鬣之光爰沛新綸用昭來許

論祭原任太子少保協辦大學士禮部尙書紀昉文

嘉

慶十年

三台位亞軫夙望於元臣六藝身通眷方聞於耆宿藉
大廷之日贊新恩方賁黃麻愴夜壑之風淒遺疏遠聞
綠野憫茲篤斐薦以馨香爾原任太子少保協辦大學
士禮部尙書紀昉性淵通立身醇謹居藩國傳經之
地業富縑紉入崇臺市駿之場羣空驪駱鑿坡載筆是
云克稱其官黼辰書名聿見能殫厥職才程山右登唐
魏之民風學董閩中衍游揚之道脈備從臣而格躋常

初續獻縣志

二

調轉儲隸而品擢清班惟銅龍資審論之才斯竹馬寢
承宣之命雁銜綬帶寵賚儀章鳳刷羽毛榮留欽曷迨
獲譴而鄣乘玉塞復承

恩而詔待金門嘉其綜括

之多能畀以校讐之專責爾則潛心考索銳意鉤稽能
探濠上之五車不數河東之二篋銀根勘誤玉格搜奇
大典編成削橐湖昭陽之歲全書表進臚函志元猷之
年集排總目以精詳簿續中經而賅洽佐

天

成化千萬禩無此鉅觀頌

聖主之得賢

一

茲盛遇以此恭勤之茂實宜邀後渥之

進直鑾臺自貳卿而總司烏府威生白簡西垣誇五入
之榮度著青儀南省懋再遷之績上明光而曳履入建
禮以鳴騶桃李真屬之春官甲兵亦修夫夏職金繩衍
策載襄堯典之粵稽玉檢披華重紀周官之董正經猷
益裕資望兼隆屬以調鼎需賢卜廐進秩方賴元勳之
平格用資朝列之楷模何拜命之甫旬竟頽齡之莫駐
襁之經被賻以帑金爰思絳服之庸爲啟雕筵之奠嗚
呼老成頻謝空期壽考之無遺文獻猶存佇見德言之
不朽式頒綸綽用慰幽靈

御賜原任太子少保協辦大學士禮部尚書紀昀碑文
嘉慶十年

朕惟睿隆耆碩樹峻望於朝端恩備哀榮表遺徽於身
後典三禮已逾十載掌故頻徵贊百揆未及兼旬履聲
遽杳文披豐碣色煥幽臺爾原任太子少保協辦大學
士禮部尚書紀昀稽古淹通致身靖獻求惟實是河間
家有藏書舉輒先登日下名無虛士階基清貫班厯華
資遂荷 先帝特達之知獨蒙學問素優之譽一麾
出守劇任恐掩佳才四品加銜殊恩特邀破格嗣璠華

初續獻縣志

四

之遠貢正玉局之宏開美富羅四庫之儲編摩出一人
之手紅梨照院校讐夜逮於丙丁青鏤濡毫品第月呈
其甲乙徧搜浩博隻字刊譌別採菁華片言扼要似此
集成今古備辦府之大文皆其宣力始終盡儒臣之能
事游叨異數儕懋賞於內廷不囿常資預升庸於上列
講帷甫侍端尹旋躋俄待制於西班綸敷丹闕繼襄猷
於南省綬縮金章烏署提綱儼威稜以持霜簡青雲晉
秩領俊采而直冰廳凡國家典禮攸行胥宗伯直清是
矢有嘉謨足資辰告位稱大儀雖實學難折辛卿望符

僉議屢司文柄三典春官鑑秉虛公市近而門如水體
崇雅正耄及而眼無花比者重簡耆臣與參政府宣麻
纒下方資翊贊之勤遺疏倏聞遽愴淪俎之速詢茲黃
髮服官夙著成勞鑒厥丹忱軫舊宜盼殊賚旣飾終以
賜祭復褒美以易名敏而好學可爲文固實華之並茂
授之以政無不達矧齒德之兼尊式被嘉稱用彰令範
嗚呼池棲鳳老聽鳴翹者有年遠返鴻冥惜羽儀於此
日回思風度宛如趨省而垂紳尙有典型自合表阡而
樹石俾貽奕禩岡替欽承

大營主行軍長史劉公墓誌

君諱 字珍瀛州樂成人也先開基受封 祇有戴天

之功分氏劉邦高祖懷闢地之畧天基七百王叶九州

卿相連門公侯繼武十五世祖解犢亭侯君 高華

人才秀異弱年被逼縣解爲 主簿君志存靖亂節欲

除凶武 戎授君千人營主揚威戰克恒在萬騎前

驅又爲行軍長史昔齊臨魏境營主有滅電之功荆接

蜀門長史 全城之畧君辭朝歸里執養私庭春秋八

十有四遘疾卒於家以大隋大業二年十月二十八日

初續獻縣志

六

遷葬於樂壽 西南一千三百步地當爽凱林野 繁

鑄勒泉門記之來葉

其辭曰

唐堯之允爰因命氏祚隆七百疆開萬里爾公爾侯宜

孫宜子志存雄畧性叶英靈千人從命萬里澄清辭朝

歸里執養私庭天不弔善樹有悲聲泉門一勒萬古

名

道光二十有二年馬家莊農人於其村北穿井得

門門側有石方尺餘起之上下復一石皆有文字乃

其底石之字以爲礎未盡滅也越數載余始聞之閱
其文尙可讀詢其蓋乃出諸殿中字畫完好有漢人
法急贖歸而錄之如右

舊令尹說

杜琛

正德九年秋獻縣舊令尹北海杜琛廷獻被召將之京
新令尹甯陽鄭龍舜卿始來赴任交代間舊令尹乃作
說以告之曰今之知縣卽古侯牧古今皆重此官者以
其親民也知縣官階止於七品上司得以凌轢下民易
至于犯甚難爲也任之重而勢之難必處之有道始可
優爲况獻之爲縣當南北要衝師旅饑饉頻年相仍民
之凋瘵比之他縣尤甚苟不加意爲之果何以供職耶
予常見今之爲此官者有二好名者過於爲苟祿者憚

初續獻縣志

八

於爲過於爲者必拂民情憚於爲者則遏民志情之拂
而不安志之遏而不遂此所以民生怒懟官至不職無
怪其然者予於是懼視過於爲者不敢爲恥憚於爲者
不肯爲乃於二者之間求其所謂中者而爲之以誠存
心以廉律已以恕待人以勤蒞事事上敬而容衆寬馭
吏嚴而恤民摯民有賦稅隨時督徵而不愆其期民有
詞訟卽爲剖決而不留於獄慮民隱驟難通也甯降吾
廉隅務使盡其情察民訟果和諧也甯弛吾綱紀不復
盡其法奢必至於貪吾旣不奢何必貪貪必濟以暴吾

既不貪何用暴事至吾前以義裁處義苟當行雖眾口
雌黃吾不聽理果有礙雖羣小怨億吾不爲不但是也
知其利而與之興知其害而與之去知其賢而優之知
其不肖而教之四境之內民之好惡無不知而從之至
於不孝不弟姦究盜賊之足以爲民害者則必置之於
法而不少貸愚蒙所爲大抵類是雖不敢當愛民如子
之稱而此心此志未嘗頃刻而去諸懷以故官調三縣
任歷四年粗能供職亦少過差脫若有之或思慮不及
才短所致故爾也此皆予授之家庭學之平素豈爲民

初續獻縣志

九

從化官求遷而後然哉今當去任著爲此說以告鄭公
族鄭公他日政成遷轉亦必以此告諸來哲鄭公與予
俱山東乙卯鄉貢進士昔爲同年今又同官故不敢自
愛而不告云

此文鐫廢礎底上豈杜公去後鄭公勒石而嵌之壁
耶書法不工亦不署姓名向存縣庫或取置庭中累
甃架之以爲几道光戊申余始欲續縣志廣事採訪
或以告余往觀之擬以石易歸未果癸丑甲寅迭遭
兵燹縣署頽廢驛卒豎碌礮於庭取置其上爲食案

入而力鍵其戶俄聞虎躍入鄰家銜豕去主人問悉
芬所爲嘆曰若今日非積陰德必葬虎腹矣芬由是
益謹飭生昭清及諸孫憲筠憲符憲簧皆入邑庠

廩生魯思敏居城南胡家屯凌晨赴館於路側溝中見
巨橐力不能舉探之白鏹滿焉復一匣封裹極固啟
視皆珠寶乃解衣覆之坐其上久之無覓者遙見里
人過生呼之曰適敝友以巨橐見寄煩傳語家人以
車馬來也既載歸父問客姓字生日實不知誰所遺
故載歸待覓者耳父曰村落偏僻不易覓且慮誨盜

初續獻縣志

十

送官存庫待失主可也乃載詣縣則客已以被劫控
官遣役捕盜矣生至邑侯喜甚令客視橐中物足否
客探得匣啟視之曰足矣令計銀數曰銀不足計也
侯笑斥客曰幸吾屬秀才心術正儻似爾作狡獪受
累者衆矣令出金謝生客欣然生固辭不受邑侯乃
遣客而表生閭

監生黃河清商家林逆旅主人也素敦古處僕隸化之
客遺金六十餘兩僕掃客舍得之以告生封存待客
獎僕青蚨千客歸授之不受謝客請縣白邑侯邑侯

完顏岱山賢宰也乃訪生素行以義重鄉閭旌其門
馬葆芳善醫痘有求者必往富者與貧者並至則先應
貧者某控衛迎之立方訖送歸日已暮中塗大風揚
沙其人誑芳下跨衛竟反芳本年邁又黑夜遇風沙
行數顛躓匍匐至家恨甚次日其人又控衛來迎芳
數之曰觀爾所爲無再往理但爾于性命要緊耳仍
從之去爲醫痊生平所括小兒萬餘未嘗受謝後馬
氏各門家盡落獨芳後嗣宦於外

馮來儀忠厚老成鄉人以善士稱之嘗著勸世俚言挽
初續獻縣志
頽俗里中士人皆爲之序

十一

增生王壽昌素行謹飭教匪孫榮鳩衆將爲亂鄉人畏
其凶無敢言者昌發其謀悉就捕邑人獲安堵焉
史某劇盜也晚爲博徒遇大姓奴奪佃人妻怒斥之奴
以責負對則代償所負並以餘金贈佃人佃人感甚
割雞贖酒款之俾妻侍焉史叱之出曰吾不能與人
家婦女雜坐食訖遽歸抵舍夜將半妻女寢矣入室
火起門窗皆烈能不得出忽聞人急呼史某今日作
好事全家免死而後壁忽劃然折裂遂挾妻女躍而

出

監生劉傑生家小康而性伉爽喜施濟邑侯以虧庫欵被劾罪將不測乃置酒延紳耆求助無應者生慨然毀家付之候得免旋以卓異引見數年總督直隸乃延生爲上客頓首謝之遽辭歸老於家

王東美縣吏也父喜訟訟輒禍鄉人東美宛轉諫止鄉人感焉後父將興大獄眾懼甚東美跪而泣受杖不起父僞諾之東美白鄉人矣俄聞獄起不可救東美家滹沱上時天寒水凍鄉人鑿冰爲井汲焉遂投其中順流數十里復遇冰井不復動汲者出之救之蘇父乃不復訟

初續獻縣志

三

崔邦傑隸也以妓爲妻買婢侍焉婢阜城名家子其父以年饑售爲婢後愧憤死閱數年婢舅蹤跡至獻議贖邦傑曰吾以阜隸奴大家女罪孽重矣敢索直乎徑還之初女年及笄頗端麗邦傑視如己女或欲以重金聘爲妾不從曰此女仍處子吾將爲擇良配咸笑爲妄至是乃服

燕官堂喜爲善闢家塾延名師課諸子鄉人子弟秀者

附焉某氏子貧而才歲暮其父來辭曰無以備脩金也堂代備之歲暮又辭曰無以爲衣食也堂衣食之如諸子歲暮復辭曰兒已長力田可代僕僕備直歲二十千不易致堂歲給之數年貧子補博士弟子後堂長子旭長孫之升皆入邑庠季子晉成進士

監生包朝屏性仁厚而慷慨好義爲人排難解紛傾囊不惜家有藥肆道光辛巳邑大疫藿香一錢直制錢百五十諸肆復增價屏曰藥價再增貧者束手矣價如故復日設巨鑊煮藿香置門外俾過者飲之不索

初續獻縣志

三

直月餘全活甚衆東光馬生覓食至獻屏留養之以其才武俾偕仲子習弓馬遂入泮後屏子二人皆庠生長子煒成進士而馬生攜家來獻依之居爲經紀藥肆田產皆盡力不啻骨肉

耿琛廣行善事馮家莊當孔道有古河夏多積潦行人病之琛築道十二里建橋三復修茶棚捐茶資地二十餘畝後子天錫少入邑庠孫永清舉武孝廉曾孫亦入邑庠迄今家計轉盛

陳聰性好善自奉儉而與人厚舅之子姊之孫皆貧乏

聰日贍之以爲常於堯京村建義學捐田百四十畝
供脩脯及膏火河城橋圯獨力修之

李介圖武茂才也待人極厚善醫施藥餌貧者求療飲
食之養於家痊乃遣歸後介圖病甚鄉民數十人偕
詣土神祠拜禱願各捐壽一年爲介圖益算蓋其善
之及人者多矣

李聲振富而好善常施衣食藥餌棺槨終身不懈有子
五人一貴郎二武茂才三武舉孫 人現舉武孝廉
者已三人

初續獻縣志

四

高程性慷慨喜爲善韋家莊濱溥沱距上下游橋皆遠
遠人病涉程捐資設義渡准鎮多貧民歿無葬所程
捐地爲義塚北漳河莊其祖居也村判爲二人多廢
學程創義學於兩村各一所教之馮家莊西爲南北
通衢距村落頗遠早夜行人苦昏暗程建長竿懸燈
其上使人守之數十年不廢

魯福才高氏佃人也貧而好義嘗拾遺金鳴於衆有冒
領者問其數不符斥之後失者至遽還之不受謝復
拾銀釧一裹以示客客給價八十貫不售人以爲索

重價也後失者至亦還之

李美平嘗渡滹沱舟幾覆遂約同志爲橋倡捐錢百貫家實無餘資也旋以募捐未足止乃一所捐百貫權子母雖有急需不敢費一文閱十餘年積二百餘貫矣會沙河橋圯遂倡捐三百千重修之所積不足鬻產焉

王成久捐地六十八畝三分六釐爲族人酬酢費閱百餘年其五世孫潤圃捐入學宮

劉旭邑庠生善爲人排難解紛使強者悅服弱者無所

初續獻縣志

十五

用其詐滹沱決堵築費不貲邑侯耳其名以相委旭倡捐督工刻期蒞事歲旱蝗捐資掩捕蝗盡復痊蝻邑修義倉代鄉人捐穀又嘗焚券施棺置義塚捐資息訟鄉人德之請邑侯以惠霑閭里旌其門

史文彬性伉直道光壬午大水邑侯劉一峯請大吏發通州倉米爲賑知胥役舟子習爲奸以藥沸米每石盜數斗擇司運者難其人聞彬名屬其友告之彬慨然往旣而舟子將置藥隸曰是不可以私干也乃置酒飲彬列金銀刀劔案上曰吾輩富在公一言諾

則金銀皆公有不然當受刀劔彬笑曰人有不畏死者耶時慮得橫財受惡報他時悔恨無如何則不如死矣言訖以手拍項曰請斫我衆愕然已而大哭曰案上金銀皆稱貸來者公如此吾儕賠死矣彬曰是則易爲力也乃詣所貸家署券刻期償之後彬子光簡以拔貢官教諭孫曾皆讀書

善政

士人服古入官遵聖訓爲循吏政之善分也而世俗筮仕輒以官之美瘠爲欣戚吏治民生置不問其修政者或格於上官撓於屬吏見忌於同僚事未成而官已罷故往往爲善不卒二三君子竟毅然行其志雖屢躓不悔以視古循良其難易何如哉

盧純嘏官雲南元謀知縣部民女有嫁八月餘誕子者夫家出之以其貧也女父鳴之官純嘏廉得情判令復合夫家賄大吏委員判離女父怒糾衆入署遇純

初續獻縣志

十七

嘏子斫其首或呼曰此盧公子也乃投刃伏地大哭請死純嘏慰遣之委員奔白大吏將以叛逆誅女家純嘏力諫大吏笑曰吾爲令嗣報仇耳純嘏曰子死命也前以賄故寃出貧家人情已洶洶今復戮其父母兄弟必致變純嘏雖死不敢從大吏熟視之願僚屬曰盧令崛強猶昔不可奪也乃杖女父而令夫家迎女歸後純嘏子竟無恙

紀樹森以知府分發南河奉委司總局歲入當數萬金卻之而出納皆核實大吏以

維揚賑務山陽令獻白金一萬兩力卻之遂觸同官
忌俾上游改委令專理維揚已而查賑委員李毓昌
爲山陽令醜殺事聞 睿廟震怒誅山陽令淮安守
以知情絞死而森理維揚之賑頌聲載道後調四川
營卒以文武不和焚縣署劫庫毆官大吏將劾令謝
營卒僚屬無敢言者森曰此烏合之衆耳苟第劾縣
令而悍將驕卒置不問流弊尙可言耶大吏悟乃置
營卒於法後守邛州有道士獻逆書內爲首者百餘
人森獎之俾偕家丁密訪得實當重賞越二日以無

初續獻縣志

六

實據覆森曰此書乃汝造欲得胥役同謀詐害富民
耳道士舊服邛人喜訟每受牒輒數百森曰此息訟
所致也奸民謹善良以索賄善良懼拖累而曲屢其
欲以求解隸欲得罷訟之費官欲省聽斷之勞以妄
訟始以息訟終奸民得志乃愈訟矣嚴誣告之罪不
聽私和訟遽息大吏以其能移守忠州忠之獄繁如
邛前守老病以聽斷委佐貳胥役家丁因附屬吏爲
奸偵民之富者唆人訟之以爲利森置蠹隸於法嚴
佐貳擅受之禁訟亦息

戈濤官御史伶人魏三以色藝傾京師王公卿相半爲所惑時有達官揮汗下馬待旦之諺濤巡視南城遇三三偃蹇不下車而後車數十乘皆貴介濤駐馬令卒擒三褫其裳擲道旁村之請貴介皆側目將甘心焉濤若爲弗見也者杖訖令三疏同游諸貴介名將入奏衆懼不敢言乃已由是舉國若狂之風一變大學士和珅聞其名欲羅致門下誘以美官濤抗疏劾之遂有郤以品學爲將上所重故未受陷害云

盧經試令河南有富民爭繼者以萬金賂太守太守委

初續獻縣志

十九

經訊辭曰民富如此必不惜以鉅金行賄經寒士也

初筮仕少不自持 舉祖功宗德盡隳之不但身敗

名裂而已太守曰有是哉遽郤其賂以爭繼不繼律

斥富民使勿敢爭淇縣被水沙壓民田數千頃富民

偕謀賂當道以糧派窮黎訟數年不決大吏委經勘

富民釀白金二萬賄經經力郤之躬行田間據契丈

田糧以田定跋涉二十餘日乃蒞事取造謀行賄者

痛懲之民大悅河南捻匪工鍊骨其悍者能於三木

間睡殺人縱劫諸鉅案刑訊至斃堅不承經爲實

令擒其渠訊之曰我良民也不敢爲匪經熟視擲掄
之曰觀爾狀貌誠不堪爲匪卽爲匪亦執鞭擔囊供
人驅策耳以爾爲匪不重爲匪屏耶匪憤曰官何藐
視我我實渠帥某地縱火行劫者我也某地拒捕殺
官軍壯役者我也經命錄其辭殺之羣匪誓服終經
之任不入寶豐境

郭永盛乾隆丁卯科舉人知山東登州府昭遠縣持身
廉介居官正直政簡刑清民至今頌之事蹟載招遠
縣志

初續獻縣志

二十

楊大縉官安徽英山知縣邑苦水爲創石隄患頓息後
遷太湖亦然復建敦善堂養孤貧無依者置義山倡
捐賑增書院膏火調桐城以水災請大吏發帑撫恤
而後請賑於朝復勸捐平糶民無流亡宿州俗悍每
械鬥官不能禁鬥訖計死傷議抵者付官獄囚積三
百人並脫桎梏謀反獄縉適攝縣篆慮禍不測乃密
調兵壯圍獄囚乘垣拒縉發火機殪三人餘悉就擒
故終其任無敢越獄者械鬥之風亦爲之少戢

文學

經天緯地之謂文作聖希賢之謂學以宏通淹雅當之悞矣漢除挾書律河間獻王始購遺書禮賢者獻爲王所都故秦火而後文學之風實自吾邑開之而千百年來周程張朱諸碩儒顧出濂洛關閩而獻無聞焉則第以宏通淹雅爲文學而明德新民之事未究也文以修其行學以進於道是在有志者

張穎字晴嵐善治經深造有得喜讀史持議多特見所著經註史論詩歌皆不傳惟覺非子古文一卷行於

初續獻縣志

三

世

紀昀字曉嵐性奇慧爲文不假思索喜披閱書籍過目不復忘舉鄉試第一諸城劉文正公奇賞之旋成進士入詞垣升侍讀學士涿郡某的至戚也將被籍昀私報之謫戍烏魯木齊已而召還授編修擢侍讀命爲四庫全書館總纂官昀以謫宦受

天子特達之知思以文章報國每閱一書必剖抉疑似辨析微茫期於至當而後已由是學益博識益精宏通淹雅遂爲海內冠所著四庫全書提要鑿別精

當持論平允每進呈

上未嘗不稱善也書成

表進數千言援筆立就蓋其才思敏捷尤非人所能及云舊例婦女遭強暴被縛受污雖不屈見戕不旌的爲禮部尙書奏請予旌著爲例又奏請試士子春秋文以左氏傳立論輔以公羊穀梁傳廢胡氏傳與試山西督學福建三爲會試總裁皆稱得人官至協辦大學士太子少保卒賜祭葬諡文達的嘗謂後人所欲言昔人已盡言之故不事著作惟閱微草堂筆記數種行於世後其孫樹馨哀所爲詩文各十六卷

初續獻縣志

二十二

梓行之

馬廷燮字梅亭性豪邁博學強記舉乾隆丙午孝廉授靖安令邑人舒夢蘭白香以才學名一時常哂北人無文見燮乃大驚江右人善陶燮以獻邑文廟祭器不備捐俸制一百三十四事舟載至獻陳設文廟後其子姪皆能文尤長詩賦獻人工詩賦者半出其門張右峯字西嵐以孝悌著稱積學能文中嘉慶戊寅副榜闕家塾教授鄉里多所成就著有周易說象尙書輯覽詩義歸宗春秋三傳三禮爾雅便讀諸子擇粹

地輿要覽諸書

戈浦字遠帆由文穎館膳錄授安徽太湖典史以母老
不赴任教授事親不責脩脯貧者反飲食之嘗謂天
下無棄才特患誨之者不盡心耳所著有五經彙解
試策集要包煒劉廷訓等皆出其門

武功

士生承平時率重文輕武詳著述畧經濟卽材官將帥亦習詩書慕風雅兵法將畧絕口不復道一旦變起倉猝則鼠伏狼奔視生靈肝腦塗地而束手無策武功果可忽哉周公相武王克商偃武修文其誥成王也則諄諄於詰戎兵揚大烈文武不可偏廢而輕重緩急因乎時今之時需將材矣故以武功繼文學劉文忠乾隆己丑科武進士殿試騎射馬敗奔紫光閣將犯御坐忠躍下屹立控之馬不能動

純廟

初續獻縣志

一十四

大喜特選侍衛異數也後官貴州副將守黃草壩苗匪圍之堅守月餘晝夜不交睫事急取救無能出者忠單騎潰圍大呼躍馬揮刀而出賊披靡遂取救兵至共滅賊

劉廷楠號雲岡性豪放喜遊而試輒冠軍乾隆庚子舉於鄉丁未成進士時和珅勢方熾嬖人劉與楠同里趨賀曰相國知子欲一見往詞曹可得也楠謝不能遂以知縣歸班候選廣東河源藍珂和與博羅陳四永安曾六聚徒煽亂揭陽何常李七潮陽鄭明倡為

天地會眾各四萬楠攝河源三月卽禽和且請禽陳
曾任揭陽單騎赴賊中閱其山川形勢遂以五百人
破賊降何常李七遁以六十人四晝夜馳九百里追
禽之復禽洋商吳三海盜姚麻李崇玉崇玉蓋有眾
二萬云海寇張保縱橫洋面十餘年戕總兵二參將
一遊擊三百齡督兩廣將使人降之楠請往遂棹小
舟從二人叩其營保大驚楠爲陳禍福慷慨激切保
感泣遂降

李鳳和以武榜眼官貴州松桃協副將苗匪不靖督兵

初續獻縣志

三五

剿之苗敗入巢巢負山面水石壁穴孔如蜂房火機
毒矢競發兵不能進擲火焚之則巢上覆石苗以長
鉤鉤火投水中立滅軍帥皆束手和請遷以火器急
攻其前自督死士出其後人攜木石擲巢上頃刻山
積縱火焚之火抵石隙入著巢中所積藥巢轟然崩
陷兵競進遂殲苗

德政歌爲永甯邑侯馬梅亭先生作侯名廷燮獻

縣人

陳思讓

山城僻小悍且愚官斯土者輒齟齬先生慈惠性與俱
心跡雙清古大儒慤慤保赤誠意孚愛民民愛不懸蒲

訟庭閒寂校操觚文章德義相涵濡父老額慶走相呼

籲請借寇憲心愉

公至之明年父老呈懇大憲題補實授例格難允因順輿情遲留數載始

補靖

安 婉轉輿情強繫駒遲今五載易新符兩袖清風書

數廚匹馬登程百一無馬行不得人塞途焚香執爵朝

及晡一揖上馬各躊躇感深泣下長嗟吁擬封棠樹蔭

初續獻縣志

十四

通衢大書德政樹高趺歲時百拜酒百壺祝公第祿誦

碩膚桐鄉愛我語非誣敬告司民作楷模

